





38593

38582

關聖帝君全書

總序 世系考 傳略 傳補
墓碑 翰墨 墳廟 遺跡

卷一



TIFFEN Color Control Patches

© The Tiffen Company, 2007

關聖帝君全書總目

卷一

總序


世系考

傳畧

傳補

墓碑記

翰墨考



中國社會科學院
世界宗教研究所藏書

册数 10 售价 10.00

朱聖帝君全書

版本

墳廟

遺跡

卷二

關聖帝君自序

韓文公序

霞谷道人序

聖帝獨坐像

正心寶誥

關聖帝君金書
卷二

聖帝 關少帝像

趙王 三將軍像

聖帝 張仙像

靈應 張仙寶誥

護法 王天君寶誥

關聖帝君寶誥

淨心神咒

淨口神咒

淨身神咒

淨天地神咒

金光神咒

安土地神咒

啟請讚

明聖經 并正解

卷三

明聖經序註解上

卷四

明聖經註解中

明聖經註解下

覺世經序

覺世真經

覺世經註解

卷五

四言經序

四言經註解

六言經

救劫經


戒士願應文

存心寶訓

小方便門

遠劫良方

醒世詩七首



卷六

靈驗記

卷七


辦香集上

卷八

辦香集下


卷九

自製靈籤



卷十

救劫消災萬應懺



關聖帝君全書卷一

目錄

總序


世系考

傳畧

傳補

墓碑記

翰墨考



墳廟

遺跡

軒廊

軒廊

世宗

自

自

關聖帝君金書卷一



帝

總序

且昔周公之道非得孔子而不傳而

魯論麟經又非得亞聖而不著前人

之嘉言懿行尤必待後人以表彰然

零金碎玉或散失而無稽全豹一斑

國朝通志卷一

總序

或見聞之未廣。此聖帝全書而霞谷
子之所由合刻也。觀夫精忠大節足
徵亘古之一人。聖帝明王具見列朝
之曠典。雖旂常竹帛竒勲與日月爭
光。俎豆馨香享祀合。烝嘗並禘而

帝君之英風浩氣固常在於天壤之間。以

與人神往不置耳。其創為明聖覺世
等經也。整三綱。飭五常。何莫非地義
天經。端風化。厚人心。何莫非忠言謹
論。其註為四言六言等經也。立萬世

忠奸之辨昭然河嶽星辰述畢生言
 行之由皎若青天白日其垂為靈驗
 記及瓣香集也班班可考神遊於六
 合之中慄慄如生澤被乎萬民之眾
 他如世系傳畧墓廟遺墨等記則皆

後人景仰遺徽搜羅引證俱足令昭
 垂天下發人深省也已第陽春白雪
 屬和殊難流水高山知音卒寡是則
 霞谷子之有見於此書而特為之搜
 採合刊也以夙世之慧根為斯民之


先覺精心默運，獨探玄珠，博採兼收，久登道岸，援大造好生之意，開斯人悔罪之門，爰纂輯夫感應寶懺也。條分縷析，九章萃道義之精，悲天憫人，萬應仰聲威之赫，固足見考道幽深。

會心獨具者矣，復思分門別類，或多散佚之虞，璧合珠聯，方見輝光之盛，乃廣諮博訪，綜網紀而校讐，寶懺全經，按先後而訂定，苟非深味乎道中之旨，默契乎玄蘊之詮，安得一綫淵

源古今若合符節耶。吾知聖功餘緒。賴有傳人大造斯文。愈彰德教矣。不且如孟子之私淑程朱之紹統也歟。是為序。

光緒三十四年戊申歲五月十五日

孚佑帝君降於雲間至善壇



古今若合符節耶吾知聖功餘緒
 以有傳人天
 如五子之
 本之絕統也

關聖帝君全書

世系考

夫夷霞谷道人



聖帝

按廣義祀典。漢前將軍漢壽亭侯關。生於桓帝
 延禧三年。庚子歲。六月二十四日。
 姓關。諱羽。字壽長。後改雲長。即夏大夫龍逢之
 後也。長子平。生於靈帝光和元年。戊午歲。五月
 十三日。俗謂四
 也。歿於獻帝建安二十四年。己亥。

十二月初七日。同
聖帝全忠於臨沮。

聖壽六十。平年四十二。世人每於五月十三慶祝。而

六月二十四日。罔知。夫忠臣孝子。生辰本應致祭。而

聖帝嶽降正辰。猶當恭祝。故特表而書之。

聖祖諱審。字問之。號磐石。生於漢和帝永元二年庚

寅歲。居解梁常平村寶池里。絕意進取。以易傳

春秋訓子。桓帝永壽三年丁酉歲卒。壽六十有

八。

聖考

諱毅。字道遠。性至孝。居父喪。廬墓三年。終喪歸。

於漢桓帝延禧三年庚子六月二十四生。

聖帝

於故里。英秀奇偉。少讀父書不輟。尤嗜左氏春

秋。年十七娶胡后。生子三。

聖長子

諱平。字坦之。生於靈帝光和二年戊午歲五

月十三日。少隨父任事。躬親矢石。臨陣不離左

右建安二十四年十二月初七。全忠孝享年四十有二。

聖仲子

諱興。字安國。少奮令聞。武侯深器之。弱冠為

侍中中監軍。伐吳獲讐雪恨。生二子。長統。次彝。

建興十二年二月病卒。享年二十四。

聖三子

諱索。字維之。己亥之難。奔川。請兵報讐。建興

三年。從武侯征孟獲。為先鋒。

聖元孫

諱統。襲封爵。尚公主。官虎賁中郎將。景耀三

年十月卒。

聖仲孫

諱彝。嗣漢壽亭侯爵。炎興元年八月。拜前將

軍。拒魏。十月戰歿。

聖裔

悠長。不及備載。

按此世系考。合陽李廷。官直隸。解組回籍。舟

泊宜昌。詣南門。恭謁

聖帝

仰見廟懸匾文。乃錢塘馮景山銀記。

聖祖

聖考名號得知於墓誌云。康熙十七年。歲次戊午。解州常平村。有士人姓於。名昌。讀書於

聖帝故居之塔廟。一日晝寢夢

聖帝示以易碑二大字。醒而異之。循覈諮求。見濬井得巨甃。已破為兩。隱有字跡。乃拂拭合讀。志記

聖祖

聖考名與字暨生歿之歲月。遂捧告解州主君朱旦。旦怒然。旦丁酉。宿涿州旅次間。夢

聖帝迎揖。酌以巨觥。曰。煩椽筆敘生平。迄今二十有

二年。始符前夢。乃據甃上字跡。恭撰碑誌。分守使者張大本為之銘。豎於墓傍。云敬錄流傳。使天下知

聖帝發祥所自。夢非虛幻。咸得尊崇之。

歷朝封號

漢獻帝建安六年。受封漢壽亭侯。二十四年。漢中王奏封前將軍漢壽亭侯。後主景耀三年。諡

壯繆炎興元年封壯繆義勇王。

隋開皇二年敕封惠公。

唐儀鳳元年六祖達剎玉泉山立為伽藍之神。

宋時以征蚩尤功保民除患加封崇甯真君長

子平封武靈侯周倉封威甯將軍大觀二年加

封武安王崇甯真君宣和五年加封義勇二字

平加封威顯紹聖三年加封平忠竭王次子興

顯忠王三子索順忠王賜廟額曰昭貺。淳熙十

四年十一月。詔命加封英濟二字。

元天曆八年加封顯靈義勇武安英濟王。至正

十六年封參軍王甫輔正利濟昭忠侯。封監軍

趙累助順驅魔宣義侯。封威甯將軍周倉加威

宣忠勇公。封建功侯。廖化糾察速報威靈公。

明萬曆四十二年。宮中單刀伏魔。十一月十一

日。勅封三界伏魔大帝神威遠鎮天尊關聖帝

君。崇禎三年加封真元顯應昭明翊漢天尊。

大清順治元年。定每年諭祭。九年。勅封忠義神武關聖大帝。雍正三年。勅封三代公壽曾祖光昭公祖裕昌公。父成忠公。製造木主供奉後殿。每年春秋二祭。乾隆年間。稱為山西關夫子。三十一年。征西陲。加封靈佑二字。嘉慶十八年。癸酉歲。加封仁勇二字。道光八年。戊子歲。加封忠義神武靈佑仁勇關聖大帝。光緒五年。十二月。初三日。加封忠義神武靈佑仁勇威顯護國保

民精誠。綏靖翊贊關聖帝君。

聖帝

護國庇民。朝廷屢加封號。載入祀典。煒哉千六百餘載。以來大義孤忠。炳靈宇宙。而我朝崇奉愈隆。昭格愈著。豈不以昇平之世。所以激忠義厚風俗。以保此萬年有道者哉。

聖誕日

關聖

帝君 六月二十四日

張仙大帝 十一月二十三日

王大天君 六月二十三日

關忠竭王 五月十三日

周威宣忠勇公 十月三十日

傳畧

漢盜寇將軍漢壽亭侯董督荊州事前將軍
假節鉞壯繆侯

關聖諱某字雲長。字長生。河東解梁寶池里
常平邨人也。為人義勇絕倫。好讀左氏春秋。明
晰大義。年弱冠。有相者曰。君稟乾坤正氣。當血
食萬年。何論名業。嘗避地涿郡。涿人桓侯張飛
字翼德。雄壯威猛。亞于聖。聖年長數歲。張兄事

之。漢昭烈皇帝。蜀先主景帝子中山靖王勝之
後。家於涿。具英才遠志。與聖暨張三人。志氣符
合。義結兄弟。而推先主為長。丁漢季亂。于鄉里
合徒衆。而聖與張侯為之禦侮。先主與二人寢
則同床。食則共器。恩篤兄弟。而稠人廣坐。侍立
終日。隨先主周旋。不避艱險。先主破黃巾。誅董
呂。聖與有力焉。先主為平原守。以聖與張為別
部司馬。分統部曲。先主領徐州牧。使聖守下邳。

城。行太守事。而身還小沛。建安五年。曹操自將
東征。先主奔袁紹。操進攻下邳。挾聖以歸。拜為
偏將軍。禮之甚厚。紹遣大將軍顏良。攻東郡太
守劉廷于白馬。操使張遼及聖為先鋒擊之。聖
望見良麾蓋。策馬刺良於萬衆之中。斬其首還。
紹諸將莫能當者。遂解白馬圍。操即表奏上封
聖為漢壽亭侯。操義之。後察其心無久留意。遣
張遼以說之。聖太息曰。吾極知曹公待我厚。然

吾受劉將軍厚恩。誓以共死。不可背之。吾終不
留。吾要當立効以報曹公。乃去耳。遼以聖言報
操。操愈義之。及聖殺顏良文醜。操知其必去。重
加賞賜以結之。聖獲知。先主在袁軍。即盡封其
所賜拜書以告辭。請二夫人出行。而赴先主于
袁軍。左右欲追之。操曰。彼各為其主。勿追也。尋
從先主就劉表。表卒。曹操下荊州。先主自樊將
南渡江。別遣聖乘船數百艘會江陵。操追至當

陽長阪。先主斜趨漢津。適與聖船相值。共至夏
口。先主使諸葛武侯往吳說孫權。孫權遣兵佐
先主拒操。先主與聖等水陸並進。大破操於赤
壁。下追至南郡。先主又引軍徇武陵。長沙。桂陽。
零陵。皆降之。先主既定江南諸郡。乃拜元勳。以
聖為襄陽太守。盪寇將軍。駐江北。先主西定益
州。拜聖董督荊州事。聖聞馬超來降。舊非故人。
與書武侯。問超人才。可誰比類。武侯答之曰。孟

起兼資文武。雄烈過人。一世之傑。黥彭之流。當與翼德並驅爭先。猶未及髯之絕倫逸羣也。聖美鬚髯。故武侯謂之髯。聖省書大悅。以示賓客。聖嘗為流矢所中。貫其左臂。後創雖愈。每至陰雨。骨嘗疼痛。醫曰。矢鏃有毒。毒入於骨。當破臂刮骨以去毒。然後此患方除耳。聖便伸臂令醫劈之。時適請諸將飲食相對。臂血淋漓。盈于盤器。而聖飲酒言笑自若。二十四年。先主為漢中

王。拜聖為前將軍。假節鉞。張侯為右將軍。馬超為左將軍。皆假節鉞。黃忠為後將軍。趙雲為翊軍將軍。是歲聖率眾攻曹仁于樊。操遣于禁龐德助仁。秋大霖雨。漢水氾濫。聖因激水滄禁所督七軍。一時皆没于禁降。龐德拒。聖誅之。梁邲渾陸諸起義者。擁眾皆來歸附。是時聖威震華夏。曹操議徙都以避其銳。司馬懿蔣濟以為關某得志。孫權必不願也。可遣人說權躡其後。許

割江南以封權。則樊圍自解。操從之。先是權遣使為子索娶聖女。聖不許。罵其使。權大怒。又南郡太守糜芳在江陵。將軍傅士仁屯公安。素皆嫌聖輕己。聖之出軍。芳仁供給軍資。不悉相救。聖言還當治之。芳仁咸懼不安。于是權陰誘芳仁。芳仁使人迎權。權竟用呂蒙策。決計害聖矣。曹操遣徐晃救曹仁。聖引軍退還。權已據江陵。聖軍遂散。十二月。權遣將逆擊聖。聖及子平死。

之。卒于臨沮。蒙方以覲聖為己功。未及受封。于是月蒙忽發狂。七竅流血而死。後主景耀三年。追諡聖曰壯繆侯。子興嗣。興字安國。少有令聞。丞相武侯深器之。弱冠為侍中。中監軍。數歲卒。子統嗣。尚公主。官虎賁中郎將。卒。無子。以興庶子彝續封。

盧湛曰。四明孫百齡原本記云。分雖主臣。而
 思若兄弟。又云。思若兄弟。非結兄弟也。湛未
 及尋思。難免疎忽之咎。即考訂諸前輩。並未
 及詳究。隨意書之。是以獲罪聖帝。則有癸酉
 七夕降乩之批示。今遵帝批。將數語刪去。續
 誌于後。
 聖帝批示云。大地江山蒸雨氣。九州歲月熟春
 秋。淮黃交會波濤急。都是忠魂痛不休。

解曰。盛夏大旱已久。其七夕前。江南諸郡。無
 不祈求雨澤。至七夕後。則有大雨連綿。四五
 晝夜。其七夕前。黃水漲。淮水涸。至七夕後。黃
 淮交相助漲。水勢洶湧。數年以來。未有之水。
 豈非忠魂痛不休之謂歟。參詳四語。歷歷應
 驗。具見靈威赫奕。
 湛子心志堅久。誠為難得。但吾誌中。汝竟未細
 心體認。執偏見。不經之語。據以為實。吾心甚為

不安。即如桃園義聚一幅。內曰。分雖主臣。恩若兄弟。此言可恨。當初吾與兄長三弟。俱在一介寒微。只因張角倡亂。吾等為生民起見。又為漢室衰微。一腔忠義。思欲救生民于水火。尊漢室以奠安。適逢三人志氣相符。故結為兄弟。此時有何主臣之可分。若分為主臣。則吾三人為悖逆之流耳。又言非結兄弟也。此言可刪。汝宜速改。且吾兄長三弟。以及武侯子龍等。義氣投合。

雖分身各體。而心志皆同。誌中皆當作文。以列諸首。而吾心方安。至黃希聲之名與文。俱宜削去。除陳壽傳外。皆可載入也。

批畢而退。凡在壇諸梓工等。初聞異香滿室。繼觀批示。無不驚駭。噫。聖之靈爽。無所不昭。發人之所未發。言人之所未言。有如日月之明。朗耀萬古。豈世人淺識者。所可得而妄議哉。

先主與操同還許。操引之見獻帝。拜為左將軍。叙天潢之派。乃皇叔也。帝喜甚。并召聖等入見。久之。操請帝獵許田。先主率聖等道旁迎輦。帝命偕往田。適帝射一鹿。不及中。命操射之。操即假帝珣弓金鏃矢。發而殪焉。羣臣以為帝射中。呼萬歲同聲。操竟出馬前當之。聖不禁大怒。眦裂髮豎。提刀欲斬操。先主目止之。及還。聖詰先主曰。欺君之賊。義實難容。欲為國除害。何止為。

先主曰。左右皆操心腹。倘傷天子。罪在吾等。聖曰。操逆機已著。今日不殺。後當有悔矣。

先主與董承種輯等。共聞密詔。謀欲誅操。會操令先主邀袁術。大破之。術還壽春。嘔血死。先主駐軍徐州。操使徐州刺史車胄圖先主。胄與陳登計。迎之入城。即殺之。登先告其父陳珪曰。元德仁人也。可害乎。登以父命止先主行。適遇聖。悉告之。聖計之。令軍士五更呼開城。胄以為操。

軍至乃出迎。聖遂誅胄。迎先主定徐州。先主令
聖守下邳。行太守事。身還沛郡。縣多應之。衆數
萬人。遣使與袁紹連兵共討操。操使長史劉岱
擊之不克。故綱目書曰。劉備起兵徐州討曹操。
特重予之。蓋建安四年事也。

先主既約與袁紹連兵。曹操自將擊破之。先主
于建安五年。單騎走青州。桓侯則引數十騎入
碭山。時聖守下邳城。操攻之。誘之出與戰。用奇

兵困之于土山。使張遼說降曰。左將軍之存亡
不可定也。其妻子無所歸也。足下兼資文武。不
能有所樹立。而輕于一死耶。聖謂之曰。吾有三
約。如其不允。吾必不從。吾與皇叔誓扶漢室。今
臣漢不臣曹。一也。二嫂在彼。給養與皇叔俸。上
下人等不得到門。二也。知吾主去向。不分千里。
便當辭去。三也。操雖難其辭去。遼曰。豈不聞豫
讓衆人國士之論乎。遂恣從之。乃往見操。操自

迎聖。次日護二夫人同詣許。操使人供給于途。甚盛。操引聖見獻帝。拜為偏將軍。賜府第。操設宴以賓禮待聖。送金銀器具及錦羅。聖悉登記。美侍女十人。聖悉使奉事二夫人。雖一第而內外分焉。每日至外門行禮問安。一日操送異錦袍。聖仍表舊綠袍而出之。操曰：何儉耶？聖曰：舊袍皇叔所賜，不敢以丞相之新，忘皇叔之舊也。操義之，赤兔馬、呂布舊所乘也。操併羈贈聖。聖

拜謝。操曰：吾送侍女不拜，何賤人而貴馬耶？聖曰：某聞此馬日行千里，若知皇叔可在，可一日而見也。操愕然悔之。

聖知先主在袁軍，往辭操，屢不得見，遂緘辭。與曹書掛印封金，啟二嫂北行。操左右欲追之。操曰：事主不忘其本，天下義士也。吾昔曾許之，彼各為其主，勿追也。聖中途宿胡華之家。華長者，甚敬聖。其子胡班，治事滎陽太守王植下，謂可

以一劾。以書付聖。次日抵東嶺關。守將孔秀阻之。聖斬秀奪關而玄。謂秀衆曰。可善言于丞相。因孔秀欲害吾。故斬之。後抵一關。阻于韓福。遂斬福。及其將孟坦。至汜水關。守將卞喜。謀歛聖于關前寺。伏甲士襲殺之。寺僧普靜。素仰聖忠義。目顧聖。聖會意。遂引刀卞喜呼兵。聖與之戰。因殺喜。抵滎陽驛。王植謀夜燒之。適胡班窺聖。驚曰。殆天神也。因拜聖。詢知即胡班。與以父書。

班遂密以植謀告聖。亟行。植追之。乃斬植。至滑州。守將秦琪阻渡。且迎戰。卒為聖斬焉。聖過渡。嘆曰。吾非欲沿途殺人。奈事之不得已也。聖往冀。遇孫乾于途。知紹以殺良醜。故幾殺先主。今已往汝南。會劉辟。玄矣。聖遂轉馬首而南。馬秦琪者。夏侯惇之將也。憤聖殺之。率兵欲報。適張遼至。云有公文在。不可失。丞相雅度。因詢知左將軍已去矣。謂聖盍仍回許。聖曰。吾將往。

普天下尋之。至卧牛山。遇周倉勇士也。願隨聖。聖察其誠。乃收之。

聖南行。知張桓侯在古城。不勝喜。令孫虔先往。聞之。桓侯怒。聖之降曹也。比至。請二位夫人入城。大義責聖。挺矛欲戰。方辯論間。適蔡陽以兵至。秦琪其甥也。桓侯曰。爾且圖我。來兵非助爾耶。聖願果有兵。曰。盍助吾鼓。吾斬其將。以明心可也。桓侯許之。其將大呼。復秦琪仇。聖知為蔡

陽迎戰。鼓方起。即斬之。桓侯乃謝聖。漢先主以劉辟兵。欲回河。北仍與袁紹共圖。操。應。值。桓侯騎。及之。適同詣古城。止宿處。遇關平。又遇趙雲于途。合散而復聚。及二夫人悉述。自中下邳至辭曹。始末。先主深感嘆不已。先主偕聖等。自古城回汝南。曹操擊之。眾寡不敵。乃議棄汝南。走荊州。劉表自出郊迎先主。待以上賓之禮。益其兵。使屯新野。以當曹操。時

建安六年也。先主在荊州。訪士于襄陽。司馬徽。徽雅有知人之鑑者也。曰。此間有伏龍鳳雛。諸葛孔明。龐士元也。徐庶亦薦之。曰。孔明卧龍也。將軍宜枉駕顧之。由是先主偕庶及桓侯同詣草廬。凡三往。乃得見。三言之計。定于隆中。數語先主自此興。武侯情好日摯。斯時惟桓侯頗不悅。先主解之曰。孤之有孔明。猶魚之有水也。願君等勿復言。

乃止。及火燒新野。敗曹兵。斬夏侯蘭。計皆出于孔明。聖等更嘆服之。時建安十二年也。建安十三年。戊子。秋七月。曹操擊劉表。會表卒。其子劉琮聽蒯越等。舉州降曹。時先主屯樊。琮降而不以告。久乃覺。則操已在宛矣。先主大驚。議行保江陵。別令聖往江夏。語劉琦。因借兵乘船數百艘。會江陵。先主緩行。以附之者衆也。操率精兵日夜行三百餘里。追及之。先主不及。顧

家衆與武侯等十餘騎疾行。張桓侯為殿。據水斷橋。喝曹兵無敢近者。操計先主已無兵。復令追。值聖以江夏兵來截曹兵。操始回。趙子龍則抱先主子大戰于當陽。至是俱會于船。遂得共濟。汜夏口。聖曰。往日許田使聽某言。可無今日。先主曰。若天道扶正。安知不為福耶。武侯說吳侯。吳命周瑜魯肅等。同劉豫州破操於赤壁。時建安十三年冬月也。操北走。聖欲往。

截之。武侯使聖伏兵于華容道。待之。先主曰。雲長義氣深重。恐釋操。武侯曰。亮觀乾象。操未合死。使佩雲長釋之。之恩可也。比操至。知有伏。大驚。見聖。怨之曰。望將軍念昔日之好。踐退避三舍之言。聖曰。昔丞相恩滿有所報。今日奉命。甯敢有私。操曰。亦記五關斬將時乎。且將軍深明春秋。豈不聞庾公之斯之事乎。聖俯首不語。操遂率諸將士疾走。聖大喝。

諸將士皆下馬哭拜。適張遼亦至。又動以故舊之情。不得已。盡釋之。初。魯肅勸孫仲謀以荊州借漢先主。至先主有益州。吳使諸葛瑾。從先主求荊州六郡。不许。止許與以長沙零陵桂陽三郡。瑾還。向聖取三郡。聖曰。此皆漢家之疆土也。安得以尺寸與人哉。吳遂置三郡長吏往。聖悉逐之。吳侯怒。遣呂蒙率兵取三郡。先主聞之。親詣公安。令聖爭之。

東吳使魯肅將兵屯益陽。與呂蒙為掎角。同規進取。肅乃邀聖會。聖謂其將佐曰。吾不玄。即玄而以兵。是示怯于肅矣。遂駕扁舟往。惟攜周倉以單刀赴之。肅言荊州事。聖曰。烏林之役。吾主左將軍。身在行間。戮力破敵。豈得徒勞無一塊土。而足下來欲收地耶。肅曰。不然。始肅觀豫州于長坂。豫州之衆。不當一校。吾主不惜土地。士民之資。以濟其患。而豫州愆德墮好。今既藉手。

西土。又欲并剪荆州。恐凡夫亦不忍為也。聖曰。此皆漢家疆土也。吾主欲興復漢室。非吾所得私與也。時吳人有欲劫聖以兵。如曹沫之于齊。桓者周倉侍側。厲聲曰。土地惟有德者居之。荆州豈必為吾有耶。聖變色。奪刀于倉曰。此國家事。汝何敢多言。遂攜爾手至江邊。登舟別肅曰。吾醉也。幸更會。

曹操使人說孫權合謀破聖。權使陸遜屯陸口。

探荆州形勢。乘機圖之。遜饋儀上書與聖。盛贊譽其功能。自託盡忠。以併力拒曹。聖遂不以為慮。乃調荆兵征樊。陸遜備陳可取之策。權遂用呂蒙詭計。襲取荆州。權復移書于操。使夾攻之。聖引車還權。遣將邀擊之。聖走麥城外。援不至。吳使人來說曰。君侯所統九郡皆失。今止一城。危在旦夕。不若暫從于吳。復鎮荆襄。以圖後濟。聖正色言曰。吾蒙吾主手足相待。安可背義而

投敵國。玉可碎。不可改其白。竹可焚。不可毀其節。城若破時。有死而已。迨勢窮見獲。吳人復言曰。將軍伸威四海。而屈于一介士。此天意也。今若順天而從吳。亦未為不可。聖曰。料汝能取吾首。不能取吾心。能折吾骸。不能折吾靈。我死當有精神。上薄霄漢間。令萬古知有大丈夫。湘江漢水之人。仰我于九天之上也。言下辟易。吳人大驚失色。知不可屈。遂遇害。壽六十歲。時建安

二十四年己亥冬十二月初七日也。

附編

聖長嗣平。字坦之。夫人胡氏所出。生于漢靈帝光和元年戊午五月十三日。至獻帝建安五年。古城聚會時。平將軍已二十三歲。侍聖在行間。二十年。身冒矢石。戮力同心。大著聲績。歷歷可稽。及建安己亥冬十二月。同聖殉難于漳鄉。年四十有二也。聖蹟傳作年四十一。按戊次嗣興。年至己亥實四十二歲也。

字安國為丞相孔明所深器。隨居蜀。襲漢壽亭侯。官侍中中監軍。早卒。子統嗣。尚公主。官虎賁中郎將。不祿。以興庶子。葬嗣封。周將軍名倉。住卧牛山。驍勇絕倫。建安五年。偶遇聖。素仰聖之忠義。遂歸之。朝夕恪侍。靡有二心。追隨于聖二十年如一日。且能不避艱險。赴水生擒龐德。孤軍死守麥城。及聞聖蒙難。即與參軍王甫俱自刎焉。

朱子綱目書法

漢獻帝建安二十四年冬十月。孫權使呂蒙襲取江陵。魏王操帥師救樊。關某走還。權邀斬之。十二月蒙卒。

劉氏書法曰。蒙為去督。其卒也。不具官何。罪蒙也。劉孫同仇。而蒙首發相吞之謀。此魏之所以益彊。而漢之所以不復也。故關某之還。書邀斬之。以甚孫權。而蒙之卒。不書官。綱目

罪之深矣。


尹氏發明日。呂蒙襲取江陵之計。何以書曰。權使關某死於潘璋之手。何以書曰。權邀斬之。是時劉孫同仇討操。而權乃自相攻擊。遂使鬼蜮得志。勝勢益張。其失蓋在此舉。書法若此。所以歸罪孫權。著其無翊漢之心。有助桀之惡耳。呂蒙未及受封而卒。即書於下。又以見天道不遠之意云。

胡五峯曰。世多奇呂蒙之功。以愚觀之。小人智舞。不足取也。今又匿兵為商賈行。潛取荆州而破關某。快意一時可也。不知蜀吳結盟。所治者何事。而剪其爪牙。失同仇之義。是豈大丈夫有名之師。以義而勝者哉。唐荆川曰。關侯始識玄德於草莽。卒然之遇。遂授之肝膽。死生之信。至於崎嶇顛沛。西東奔竄。而志愈不可奪。宦於俘虜之中。而其志

愈明。蓋侯之大節磊磊如此。而論者特稱其
 雄勇冠世。而深惜其功之不就以為侯之兵。
 不先加於腹心之吳。而先加於肘腋之魏。不
 先加於藏身背伺之吳。而先加於露刃而拒
 之魏。故其勝魏也。未足以肥蜀。而其信吳也。
 乃足以自弊。且操權之敵久矣。操且懾於
 侯之威。至欲徙都以相避。使侯當時先吳之
 未發而圖之。豈不可以得志。噫。此亦有數焉

耳。

潘氏曰。明燭以達旦。乃雲長之大節。





念則其心之大而論者特稱其
 不克如也。而論者特稱其
 先加於其心之起不
 之起。故其心之大而論者特稱其
 先加於其心之起不
 之起。故其心之大而論者特稱其
 先加於其心之起不

聖帝祖墓碑記

王珠旦

天以剗氣舉。大地不汨沒。中循正絡。表裏山河。
 充塞宇宙。東抵岱。中毓為條。故高莫如岱。正莫
 如條。中條千里環抱。瑞凝森秀。止蒲津。聿開唐
 虞。中天盛治。迭千五百年。而岱魯產素王。作春
 秋。紹二典。又五百餘年。條陰毓開帝。世述春秋。
 扶正統。今更千五百年。惟知條麓有墓。為帝祖
 發祥地。遇春明。有司肅衣冠。致享。未有碣表也。

帝祖石磐公諱審字問之以漢和帝永元二年
庚寅生居解梁常平村寶池里五甲公冲穆好
道研究易傳春秋見漢政蠱戚畹長秋互竊枋
柄墮戎索火德灰寒外枯中竭絕意進取玄所
居之五里許得芬場一片淨土誅茅絃誦以春
秋易訓子數十年絕塵市軌迄至桓帝永壽三
年丁酉終正寢壽六十八子諱毅字道遠篤孝
有至性仍先志具窀穸於所著讀書處不知涓

吉狗福澤為子孫祈者而其地適當條之至中
羣峯交擁勢馳萬馬咸整整列無亂顏行左壁
象旗旛右塾肖鼓肖臺俯瞰解池懸盤鑑著襟
帶間時乘烈日薰風熬波飛素彷彿肝腸雪潔
雖曝陽濯漢不翅也道遠公廬墓號踊終喪歸
村居已為桓帝延熹二歲明年庚子六月廿四
日生聖帝何天之報德與山靈發育如是捷乎
蓋自唐虞來二千載蘊積之素至斯墓為再兆

殆又聖帝之豐芑矣。然其年單超死。四侯轉橫。羣裂裳裹膝。借十常侍影響。蘊崇華宇。無或揚春秋大義於人間者。則石磐公之讀其書。以得有其孫。正雖緩耳。帝生而英奇雄駿。既受春秋易。旁通淹貫。以古今事為身任。稍長。娶胡氏於靈帝光和元年戊午五月十三日生子平。次年弱冠。謝父母曰。兒已有後。足奉祖禰。今漢將燼。盈廷觚稜輻邪。誰為扶紅日照人心者。遂詣郡

陳時事。不報。有相人目之曰。君稟乾坤正氣。當血食萬年。何論名業。歸旅舍。聞隣人哭極哀。叩之曰。韓守義也。遭郡豪呂熊荼毒。呂黨連七姓。黠猾事中璫。茂職紀帝。眦裂髮豎。命守義導至七所。悉斬刈之。潛引玄意。郡守檢羣惡。必原義士。勿引繩批根。而有司憚文法。遽迫求之。於是道遠公暨配淹芳腐井。自虞益作井來。竟寔聖善夫人胡氏。抱平避母族。免里人遂指石磐公

發祥之所。為凶地絕望。久委陰翳。帝轉走五載。值中平元年甲子二月。張角等徧嗾天下。漢帝大發兵遣盧植中討中山靖王後與植舊依之。帝閱各將無可事。至涿見靖王後謂舍漢種莫可効。况英略天授乎。遂委質。雖共起居飲食如同胞。而稠人廣坐間必恪侍。極之顛沛患難。勿數君臣禮。且能化同列桓侯等如一。其得自祖父春秋之義而善用之。以自建立如此。故時而仕。

則初平元年之推卓。建安元年之笮術。十九年之專督荆州。拒肅劾敵。膽碎披靡。二十四年破曹仁。降于禁。擒龐德。禡曹魏。幾徙許還漢。時而止。如初平二年之救瓚。建安元年之和布。五年就操保二妃。十三年赴瑜定南郡。十四年守襄陽。十五年屯江北鎮靜軍民。睦隣集事無缺。時而久則薄宦平原。三年無沮色。徙依荆表。七載無躁情。奔隨先主。三十年如一日。時而速也。建

安五年之歸舊千里風行五侯黃馬並封片言受拜襄樊迅擊頃刻淹七軍其得自石磬公春秋之義可追宗素王如此奈天不祐漢糜傅外傾孟劉內背致吳詭得行於己亥十二月蒙難章鄉帝諱某字長生號雲長修偉美髯髭一髯特長戰輒躍躍被害之前夕夢烏衣丈夫拜曰余北海龍附帝助威猛今期盡請辭晨起特長之髯觸手落心惡之遂為象人城上西行臨沮

不旋踵然則蜀漢難一統由天數非人力與素王之不為東周同轍况素王生魯襄之庚戌十月即今八月逝於魯哀之壬戌四月即今二月帝生於庚子六月即周之八月逝於十二月即周二月以夏時計則素王實稟春秋兩時之正氣以周歷考而帝亦賦春秋兩時之正氣故岱魯素王以特筆維東周之衰帝鍾條麓用春秋特筆正漢統天地剝氣不汨沒如是然素王初

起孟禧子知弗父何之後必達。帝之學古行道。詎非石磐公豐苞之徵乎。帝以建安二十四年七月拜前將軍。假節鉞。祖考應得贈如前將軍。壽後主景耀三年庚辰。追贈聖帝祖暨考。應得贈如侯爵。然而壘隨變。垂千五百年。刊落名字何也。帝長嗣平。同日被難。次嗣興字安國。為丞相亮所深器。隨居蜀。襲封壽亭侯。官侍中中監軍。蚤卒。子統嗣爵。尚公主。官虎賁中郎將。不

祿。以興庶子彝嗣封。適龐德之子會。隨鄧艾求滅關氏。報父讐。關氏逃匿。莫樹先塋。雖帝考藏骸之井。義感村人。共建塋。志誌名氏。晉末淪劉石。隔代雜問。從其前溯之。知為夏忠臣龍逢後。漢敞仕諫大夫。至帝親承之。祖若考。反無知者。從其後求之。元魏朗字子明。習易春秋。孝文馳驛。諮軍國事。屢徵不仕。傳南北朝康之。字伯愉。善左氏春秋。數辟勿就。孫播字務元。遷衛汲。

以唐德宗時及第。位平章。裔孫玉字子玉。仕元。歷曲陽藁城二令。孫珍遷行唐。任提領。博綜為時宗尚。遷玄故里。經變亂。無由詳世譜。惟知能世其春秋云。昔素王以春秋兩時。日行至中。作史命篇。故帝答操書。稱日在天上。心在人內。其力行石磬公之家學。迄今耿照。於康熙十七年戊午。常平士于昌肄業塲廟。即道遠公之舊居。昌臨篤。晝夢帝呼。授易碑二大字。督視殿西物。

急白郡。寤而就焉。有濬井者。得巨碑。字頗斷裂。昌急合讀。即帝考奉祀殿考之主中紀生死甲子。併兩世字諱大畧。因循山求墓道合券。奔告郡守。郡守王珠旦。愀然曰。旦於丁酉秋。旅宿涿。夢帝揖迎。界巨觥。曰。煩椽筆叙生平。又顧周將軍倉曰。已極醉。須疾扶。勿致傷。次日遇客。邀飲。醉墜馬。觸巨石。無恙。因為關帝論一篇。今忽守此。合諸子所陳。則關帝前論。殆欲表其先塋歟。

且聞孔子齒備七十二候之氣。關帝閱干支紀年之全。俱天鍾嶽降。而孔子訪墓五父之衢。帝身殉國。以兩世幽窆。籍後人可勿亟表正哉。試登峰梯。對唐虞故闕。恍同岱日曝物。條風解愠。撥茅茨。濯金泥。下土。婚試玉檢。聚映兩阡於南昭北穆間。現見霜落。更若較眉。謹蒐軼蹟。書勒豐碑。

武帝翰墨考

許拜漢壽亭侯復操書

明公布大義于天下。而速取自樹。非某之所敢知。若猶是漢也。某敢不臣漢哉。敢拜嘉命之辱。

與張遼書

魯仲連東海之匹夫耳。為齊下士。然且恥不帝秦。職為通侯。列漢元宰。獨可使負漢耶。子且休矣。

許昌答先主書

竊聞義不負心。忠不顧死。大丈夫之志也。觀羊
角哀左伯桃之事。論范巨卿張元伯之約。未嘗
不三嘆而流涕。昔某守下邳。內無積粟。外無援
兵。欲盡死節。奈有二嫂之重。未敢斷首碎軀。死
于溝壑也。近日汝南方知音問。當辭曹公。奉二
嫂歸。昔曾預言。今已有微功之報。不容不從也。
忽得兄書。視之如夢。天地可表。筆墨難窮。

辭操書

竊以日在天之上。心在人之中。日在天之上。普
照萬方。心在人之中。以表丹誠。丹誠者。信義也。
某昔日有言曰。主亡則死。主存則歸。新受司空
之寵。願久託豫州。以腹心。司空新恩。豫州舊義。
思有所報。義無所斷。今某既刺顏良于白馬。復
誅文醜于南坡。丞相之恩。滿有所報。每留所賜
之物。盡在府庫。封緘。伏望台慈。俯垂鑒照。

謝操書

某聞主憂則臣辱。主辱則臣死。曩所以不死者。欲得故主之音問耳。今故主已在河北。此心飛越。神已先馳。惟明公幸少矜之。千里追尋。當不計利害。謀生死也。子女玉帛之貺。勒之寸丹。他日幸以旗鼓相當。退君三舍。妾亦如重耳之報楚成者乎。某謝。

官渡與操書

劉豫州有言。尉陀秦之小吏耳。猶獨立不詭。某啞啞飛鳴。翔而後集。甯甘志終小吏下哉。使明公威德布于天下。幹旋漢鼎。窮海內外。將拜下風。沐高義矣。獨某兄弟。我瞻悚某載復。

三與桓侯書

操之詭計百端。非智縛安有今日。將軍罪某。是。不知某也。某不緣社稷傾危。仁兄無儔。則以三尺劍報將軍。使某異日無愧於黃壤間也。三上。

翼德將軍。死罪死罪。

慰先主帖

時有汝南之敗

昔高祖與項羽共爭天下。高祖數敗于羽。人皆賀項而哀劉矣。乃九里之役。一戰而開四百年之業。志素定也。某昔與君侯共破黃巾。迄今百戰。或勝或負。其志愈堅。何為忽生變異耶。君勿墮志。恐來天下笑端耳。

復陸遜書

將軍作鎮西藩。為吳右臂。下車未遠。遽懷老夫中心藏之。共獎王室。幸甚幸甚。目前小捷。曷敢貪天之功。第荆州與陸口接壤。為釁已非一日。寡君報公子之命。丞相有破曹之勳。舊屬宗盟。非吳土地。乃阿蒙不撥大義。狡焉西窺。老夫不戒戎車。而捍禦無術。將軍慨然以操猾為憂。豈覩其篡逆不共戴天。尚以蜀為漢室宗胄。或能用命。抑事在涇。而指在洛。亦惟將軍為之。老夫

之言。誠如皎日。勿昵小功。終成大德。

復漢中王立儲

立嫡不立庶。古之常禮也。何必問焉。

畫風竹詩

不謝東君意。丹青獨立名。莫嫌孤葉淡。終久不

凋零。

畫雨竹詩

大業脩不然。鼎足勢如許。英雄淚。雅禁。點點枝

頭雨。

考竹詩。石刻宣德間。徐州創鉄佛寺。刷地得

之。或曰畫竹詩。是帝降乩筆。

又荊州府有帝親書三秦雄鎮四大字。扁題

曰郡主關禁書。萬曆初有人易玄。地震三日。

閩郡駭異。於是郡人相率白郡守仍懸之。遂

止。陸初望補

之言誠如故曰勿能小功終成大德

立鎮守此

曰曠至關其書

不又陳照

之口道

卷世給

隨而

墳廟

常平塚廟

帝解州常平下馮村寶池里五甲人有祖塋在

常平中條山陰金大定十七年常平建關氏祖

宅塋州人律學張開撰記記曰伏以聖帝勇畧

義於先主不避艱難棄富貴於曹瞞豈圖爵祿

當時志氣曾分主上之憂今日威靈猶賜生民

之福今者本莊社人王興將一千五十四年前

清吉風調雨順國泰民安命開為記嘉靖三十

四年。解州知州徐作。撰常平重修關聖帝廟記。曰。帝解州人也。州在漢時稱解梁縣。蒲州統屬河東郡。今仍之。第郡改曰道。而府別平陽云。距州東二十里。常平下馮村。帝故里也。父老相傳。即帝舊居。有塏屹立。襲稱塏下有井。帝避難出亡。父母沈葬於內。後人立塏以表之。塏上嵌片石。知為金大定年重修。帝有祠。舊在塏前。皆鄉民私葺。嘉靖初。巡按王公秀立石為坊。榜曰關

帝故里。又以為坐背考妣非宜。乃改廟南向。前面中條。後依醴池。拱挹靈秀。於義允當。余舉乙未進士。夢謁神宮。彤庭宏敞。帝端冕坐殿上。除知夏縣。有事如解。謁帝廟。宛然夢境。自烏臺謫官。前後十八年。量移解州。益徵昔夢之奇。承侍御尚公維持。宋公儀望之命。移石坊於前衢外。為大門四楹。入門稍東。即塏也。中建臺謝。為伏臘陳獻之所。正殿六楹。繚以迴廊。後為寢宮。而

廟之事先主。按帝在解州城西郭外。即宗崇甯宮城東二十里。常平村為帝故里。依祖塋立廟。嘉靖三十四年。徐作重修。後四十四年。重修于御史胡鑰。每歲清明節。封豕設祭。一祀於朔漢神位前。一祀於先塚。有州長吏親詣行禮。隆慶二年。知州呂文南恢大廟制。有加於舊。嘉靖中。邑人李瑤。修廟記曰。常平南面中條。北負鰲池。山川靈秀。實鍾異人。開闢以來。一洩於風后。積

千百餘歲。再發於帝。呂柟曰。今常平有聖帝先世塚。上有危塢。在中條山麓。而鹽池當其後。盤踞山川之秀。宜為帝之所鍾。而章鄉之塚。亦倚山面泉。則帝生死之地。皆據南北之勝。亦不偶哉。

玉泉塚廟

吳歷曰。權送帝首於曹操。以諸侯禮葬其屍骸。魏志建安二十五年春正月。權害帝。傳其首於

洛陽胡琦曰。塚在當陽縣玉陽鄉。去縣五里。其地即古之章鄉也。荆門志。孫權雖降曹氏。襲殺聖帝。猶葬以侯禮。今塚以聖帝為號。每歲清明。鄉人相率上塚。如拜掃之禮。宋高熙十五年。荆門守臣王銖。始建祭亭。環以垣墻。樹以松柏。經端平甲午之變。塚塋翳然。至元十二年。荆門歸附。玉泉住山慧僧。翦其荆榛。封其邱隴。重作行祠。門以表之。山門仍舊。上塚祭奠。歲以為常。明

成化三年。僉事沈慶重修墓祠。知縣黃恕請於朝。賜春秋二祭。十五年。廟圯。知縣姜英建堂於廟後。鎮守太監章貴。巡撫王濬。董其役。宏治十年。知縣劉松。增修。復其祀田。呂柟曰。聖帝遇害。章鄉。當陽人於聖帝。非有袒免之戚。骨肉之愛。至今築場立廟。種樹營。每當清明。士女祭掃。雖於其宗祖父母。不啻過焉。豈真聖帝神呵鬼命。有以致之哉。蓋其忠義之心。正大之氣。入民

骨髓醉人心志。歷久不衰云爾。

（Faint bleed-through text from the reverse side of the page, including characters like '骨髓', '醉人', '心志', '歷久', '不衰', '云爾', '開封', '府志', '卷一', '四'）

遺跡

解梁故宅

帝故里。祖宅在山西解州東十八里常平村。今

建為廟。見平陽府志

許都故宅

開封府許州城內學東有帝故宅。蓋帝自下邳

陷曹操挾歸許時所居者。俗云一宅分兩院。即

此。今亦建廟祀之。永樂四年耆民陳
二等修建河南志

江陵城

即今荆州府城。帝所築也。晉桓温增修之。

掇刀石

荆門州南二十里。帝往來荆襄屯兵之地。有掇

刀石痕跡猶存。旁有帝廟焉。

亦荆州府志

卓刀泉

泉以卓刀名者有二。一在武昌府城東十里。先

主郊壇下。世傳帝常卓刀於此泉側。今有帝廟。

一在常德府城西三十里。崔婆井傍。相傳帝過

此而渴。以刀卓地出泉故名。後人嘉其甘冽。又

名清勝泉。

故關州

常德府沅江縣東南五十八里。帝屯兵處故名。

關公洞

漢陽府大別山之右。有洞乃一巖穴。以帝嘗憇

此故名。一名藏馬洞。傍有帝廟。

磨刀石

在漢陽府帝廟中。舊傳帝磨刀處。又大別山頂亦有此石。

洗馬口

在漢陽東北吳王磯側。一名禹土人云。帝嘗洗馬處。

樊城

在襄陽府城北漢江上。與襄對峙。即周仲山甫

民資灌溉之利。傍有卓刀石尚存。以上俱安陸

關公瀨

甘甯傳云甯隨魯肅鎮益陽拒帝。帝銳有三萬人自選銳士五千人投縣上流十餘里淺瀨云欲夜涉渡甯時有三百兵乃曰可復以五百人益吾吾往對之保關某聞吾歎不敢涉水涉水即是吾禽。肅便選千兵益甯甯乃夜往帝聞往不渡而結柴營。今遂名此處為關公瀨。水經注曰

益陽縣有關公瀨。所謂關侯瀨也。南對甘甯。故壘。帝昔屯軍水北。孫權遣魯肅甘甯拒之。於是甘甯謂肅曰：「關某聞吾欲唾之，聲不敢渡也。渡則成禽矣。」帝夜聞常虞今日與霸聲也。遂不渡。范致明《岳陽風土記》：石瀨廟，乃關帝廟。潮州記云：石子山溪，山有小溪，水映微關。帝南征，營憇此，因名某瀨。今廟亦以此名之。為土地三軍廟。助順廟圖經皆以爲關帝并呂家行軍所置。銅柱。

衡州府衡山縣西北一百二十里。帝與吳程晉分界處，共鑄銅柱為誓。即此。自江陵城至此，俱屬湖廣。見一統志。

關山

所封樊國。帝圍曹仁於樊，即此。西魏於此立安養縣。

飲馬泉

在襄陽城西南十里。舊傳帝飲馬於此。

青泥池

在安陸州東楠木山。樂進與帝相拒青泥，即此。

漢城

在安陸城南七十里濱大江。舊傳帝嘗屯兵於

此。

關王嶺

在京山縣治北。上平如掌。有毬場及故城壘。

刷馬灘

在漢江南一十五里。相傳帝刷馬處。

馬跑泉

在京山縣北十五里。帝嘗駐兵於此山。無水。士卒渴甚。夜有虎咆哮。馬驚跑地。因而得泉。至今

南直滁州西北三十里。有關山。山上石臺有帝坐痕。來往人輒以小石投之。取中其間者。為生子之效。傍有周將軍足跡。及馬蹄四。俱石上宛然。又有二井。一微仆。以為飲馬所致。傍建帝廟馬。陶見廷氏曾親至其處

盧湛曰。域內之山川景物。甯有紀極哉。然每以其人閱歷焉。遂千百年誦道之不衰。抑或初非所及。而援藉靈寵。亦歎其之繫長久者。

编号

册数

售价

10
10.00



71005309

關聖帝君全書卷之一終

輿圖皆全集之志地哉。志其人而已。帝遺
跡錄自辛奉。今頗蒐益廣覽。洽聞之君子。更
有以補耳自所不逮可也。

